

Federacija Bosne i Hercegovine

Kanton Sarajevo – Općina Hadžići

JU OŠ „Hilmi ef. Šarić“ Tarčin

Z A P I S N I K

sa dvadesetprve sjednice Školskog odbora JU OŠ „Hilmi ef. Šarić“ Tarčin održane 14.12. 2023. godine sa početkom u 14,00 sati

Prisutni : Džeko Šefkija, Ramić Meliha, Fišo Amela i Muharem Keško,

Odsutni:

Prisutni ispred uprave škole: direktor i sekretar škole

Za sjednicu predložen sljedeći dnevni red:

1. Usvajanje zapisnika sa prethodne sjednice;
2. Izmjene i dopune Pravilnika o radu;
3. Informacija u vezi provedenih inspekcijskih nadzora za radno mjesto ložać,
4. Izmjene Plana nabavki ;
5. Donošenje Odluke o potvrđivanju Pravilnika o vlastitim javnim prihodima JU OŠ „Hilmi ef. Šarić“ Tarčin;
6. Tekuća pitanja.

Dnevni red je jednoglasno usvojen.

AD 1.

Zapisnik sa prethodne sjednice jednoglasno je usvojen.

AD 2.

Sekretar škole upoznao je Školski odbor škole da je potrebno uskladiti Pravilnik o radu škole protokolisan pod brojem:01-1-761/2022 od 01.12.2022. godine i Pravilnik o izmjenama i dopunama Pravilnika o radu broj: 01-1-844/23 od 14.12.2023. godine, sa Pedagoškim standardima i općim normativima za osnovni odgoj i obrazovanje i normativima radnog prostora, opreme, nastavnih sredstava i učila po predmetima za osnovnu školu („ Službene novine Kantona Sarajevo“ broj: 30/18, 9/22, 20/22, 23/23). U Pravilniku o radu, uslovi za vršenje poslova ložaća u školi stoji : SSS- III ili IV stepen- VK ili KV radnik građevinske, mašinske ili elektro struke. Položen ispit (uvjerenje) za rukovaoca centralnog grijanja, a u Pedagoškim standardima i normativima za osnovnu školu, glasi ložać-III ili IV stepen: specijalista za odgovarajuću vrstu kotlovnice. Školski odbor škole jednoglasno je usvojio Pravilnik o izmjenama i dopunama Pravilnika o radu protokolisan pod brojem: 01-1-844/23 od 14.12.2023. godine.

AD 3.

Direktorica škole upoznala je Školski odbor da su za radno mjesto ložać na određeno vrijeme do 31.08.2024. godine, potvrđena Odluke direktora škole od strane Školskog odbora na sjednici održanoj 10.11.2023. godine. Na tu odluku jedan od kandidata žalio se Inspektoratu rada, zaštite na

radu i socijalne zaštite-insekciji rada. 23.11.2023. godine inspekcija je boravila u prostorijama škole po prijavi Dane Muhovića na prijem Lihovac Almira za radno mjesto ložać. Pregledana je sva dokumentacija kandidata, te ustanovljeno da je sva dokumentacija validna kada je u pitanju uvjerenje o stečenom zvanju rukovaoca centralnog grijanja. Prilikom bodovanja po osnovu provedenog vremena na evidenciji službe za zapošljavanje, nakon sticanja uslova za rad na poslovima koji odgovaraju stručnoj spremi, ustanovljeno je da je da su kandidati bodovani od momenta sticanja stručne spreme, a ne od momenta sticanja uvjerenja za rukovaoca centralnog grijanja, kakvog je mišljenja inspekcija da treba da se bude, ali će tražiti dodatno tumačenje ovog člana od nadležnog Ministarstva, kako bi se mogao zauzeti konačan stav. Ovaj način bodovanja Komisija je isto primjenila prema svim kandidatima, tako da iz priloženog dokaza jasno se vidi da nije bilo namjere da Komisija nekoga ošteti jer isti način bodovanja primjenila je prema svim kandidatima. Inspekcija je dala primjedbe na bodovanje. Nakon što je zaprimila zapisnik o inspekcijskom nadzoru direktorica škole je naložila komisiji da izvrši ponovo bodovanje i napravi konačnu rang listu u skladu sa primjedbama Kantonalne uprave za inspekcijske poslove. Članom 19. stav (1) tačka b) Pravilnika s kriterijima o prijemu u radni odnos, izbor se vrši između tri najbolje rangirana kandidata. Kako je izabrani kandidat Lihovac Almir ostao među prva tri kandidata, a i ratni je vojni invalid 40% , nije bilo potrebe promijeniti mišljenje kada je u pitanju izbor kandidata Lihovac Almira.

Nakon rasprave Školski odbor donosi zaključak:

Podržava stav direktorice škole na osnovu koje neće mijenjati već izdatu Odluku o prijemu kandidata Lihovac Almira protokolisanu pod brojem: 01-1-752/23 od 10.11.2023. godine.

Važno je napomenuti da je Komisija konstantno kontaktirala inspekciju u toku bodovanja kandidata.

AD 4.

Jednoglasno usvojene Izmjene plana nabavki protokolisane pod brojem: 09-3-845/23 od 14.12.2023. godine. Izmjene rađene radi nabavke laminata za Područnu školu „Donja Raštelica“ i Softverskih usluga videonadzor za centralnu školu.

AD 5. Školski odbor JU OŠ „Hilmi ef. Šarić“ Tarčin na sjednici održanoj dana 23.08.2023. godine donio je Prijedlog Pravilnika o vlastitim javnim prihodima broj: 01-1-472/23 od 23.08.2023. godine na koji je Vlada Kantona Sarajevo na 34. sjednici održanoj dana 09.11.2023. godine donijela Odluku o davanju saglasnosti na Pravilnik o vlastitim javnim prihodima JU OŠ „Hilmi ef. Šarić“ Tarčin. Na osnovu navedenog predsjednik Školskog odbora Džeko Šefkija predlaže da Školski odbor potvrdi Pravilnik o vlastitim prihodima broj: 01-1-472/23 od 23.08.2023. godine.

Zaključak: Predsjednik Školskog odbora konstatuje da se Odluka o Potvrđivanju Pravilnika o vlastitim javnim prihodima JU OŠ „Hilmi ef. Šarić“ Tarčin broj: 01-1-472/23 od 23.08.2023. godine jednoglasno usvaja;

Sjednica završena u 16,00 sati

ZAPISNIK NR

Mirsad Turo

REDSJEDNIK ŠKOLSKOG ODBORA

Džeko Šefkija